

Kalaallit Nunaannut Pinerluttulerinermik Inatsisip allanngortinnissaa pillugu inatsisissatut siunnersuummut missinguummut Namminersorlutik Oqartussat isumaqataanissaat pillugu Inatsisartut aalajangiiffigisassaattut siunnersuut (Killiligaanngitsumik eqqartuussat inissinneqartarnerat)

Saqqummiussissut

(Ilaqtariinnermut, Naligiissitaanermut, Isumaginninnermut Inatsisinillu atuutsitsinnermut Naalakkersuisoq)

1. Siullermeerneqarnera

Naalakkersuisut nuannaarutigaa aalajangiiffigisassatut siunnersuummik taamaattumik saqqummiisnaagamik, tassalu killiligaanngitsumik eqqartuussat pillugit pinerluttulerinermik inatsimmi malittarisassanik allanngortitsinissamut tunngasortaa.

Ukiuni qulikkaani arlaqartuni eqqartuussat Danmarkimi parnaarussaasernerannut ajornartorsiut naalakkersuinikkut sammisaasimaqaaq. Taamatuttaaq immikkut ilisimasallit isumaqatigiillutik oqartarsimapput taamatut periuseqarneq inuit pisinnaatitaaffiinek unioqquitsinerusinnaasoq. Pingaartumillu pineqaatissinneqartut ilaquuttaminnut attaveqarsinnaajunnaarnerat immikkut naliliiffigineqarpoq, tassami Europamiut inuit pisinnaatitaaffiitut isumaqatigiissutaanni artikel 8-mik unioqquitsinertut isigineqarmat, tassalu ilaqtariittut inuuneqarsinnaatitaaneremut tunngasooq.

Ullumikkut pissutsit taamaatsillugit isertitsisarfiit killiligaanngitsumik inissinneqartunut tulluarsagaanngillat. Tamatumalu kingunerisarpaa killiligaanngitsumik eqqartuussat Herstedvesterip parnaarussivianut parnaarunneqartarmata. Danmarkimut nassinneqartunut tunngatillugu isertitsivinni pisariaqartitat pigineqanngimmata ajortumik kinguneqarsinnaasarpoq. Isertitsivimmi matoqqasumi sungiusimasat qimallugit inissinneqartarnek immikkut inissinneqartutut misiginartarpoq. Inatsimmi pineqaatissiissut sakkortunerpaaq atorlugu pineqaatissinneqarsimanikkut nunagisaq ilaquuttallu eqqartuussap qimattariaqartarpai. Tassungalu ilaavoq amerlasuut killilerneqartarmata danskisut oqalussinnaannginnertik pissutigalugu.

Massakkorpiaq Nuummi isertitsivimmik nutaarluinnarmik sanasoqarpoq 2018-imi atulersussatut naatsorsuussamik. Isertitsiviliormi anguniakkat pingaarnerit ilagaat, killiligaanngitsumik inissinneqartut inuttut pisinnaatitaaffiinek eqqunngitsumik pineqartarunnaarnissaat, tassalu ilaqaannit kilometererpassuarnik qimagutsittarunnaarnissaat anguniarlugu.

Aalajangiiffigisassatut siunnersuutip siullertut kingunerissavaa killiligaanngitsumik eqqartuussat Danmarkimi parnaarussaannissaannut taarsiullugu Kalaallit Nunaanni parnaarussinnaalernissaat. Tamatuma saniatigut siunnersuut aqutugalugu kalaallit Herstedvesterip parnaarussivianiittut Nuummi isertitsivissamut nutaamut nuussinnaanerat periarfissaalissaq. Kiisalu siunnersuut aqutugalugu killiligaanngitsumik eqqartuussat

isertitsiviit ammasut, isertitsivimmilu nutaami killiligaanngitsumik eqqartuussanut immikkoortortaqarfiup akornanni nuunneqarsinnaalissapput.

Aalajangiiffigisassatut siunnersuut manna aqutigalugu inatsisunik atuisarneq ukiorpassuarni killiligaanngitsumik eqqartuussanut qanigisaannullu immikkut pineqaatissiinerujussuartut misigititsisartoq atorunnaarnialerpoq.

Taamatut oqaaseqarlunga oqaluuserisassaq Inatsisartunut oqaluuserisassanngortippara.